







白衣大悲觀音五印心陀羅尼經

淨口業真言

修剎修剎

摩訶修剎

修修剎

薩婆訶

安土地真言

南無三滿多沒馱南唵度嚕度嚕  
地尾娑婆訶

開經偈

無上甚深微妙法

百千萬劫難遭遇



我今見聞得受持  
願解如來真實義

啓請

稽首大悲

婆盧羯帝

從聞思修

入三摩地

振海潮音

應人間世

隨有希求

必獲如意

南無本師釋迦牟尼佛

南無本師阿彌陀佛

南無大悲觀世音菩薩

南無觀世音菩薩前印後印降魔



印心印身印陀羅尼我今誦持神  
呪惟願慈悲降臨護念三說即

說真言曰

南無喝囉怛那 哆囉夜耶 南無

阿利耶 娑盧羯帝 鑠鉢囉耶

菩提薩埵娑耶 摩訶薩埵娑耶

摩訶迦嚩尼迦耶 唵 哆唎 咄 哆

唎 咄咄多唎 咄咄咄多唎 娑

婆訶

白衣呪靈驗文

昔衡陽一士人苦於無子夫婦祈求  
靡所不至忽遇一僧持此經授之曰  
佛說此經有能受持滿一藏者隨心  
所願獲福無量若求子即生智慧之  
男當有白衣重包之異乃其驗也於  
是夫婦虔誠誦滿一藏不數年間繼  
生三子果有白衣重包之驗矣  
武陽令江公之親戚守官衡陽親見  
是事亦有求子之願因得此經夫婦  
敬誦未逾歲間果生三子如有白衣



重包之異乃傳此經於江令之家亦  
能敬誦而獲報於求子矣○滁州進  
士王昇聞茲聖驗夫婦敬誦刊板印  
施以求嗣續就於是年生一子果有  
白衣重包之異此呪靈感驗矣

徽州歙縣永豐鄉方岩同妻黃氏無  
子祈求未應於甲寅春發心誦此經  
一歲印施一千卷次年四月一日生  
男汪始果有白衣重包之驗○徽州  
南市中江應霖咸淳戊辰二月花

朝焚香許施經祈嗣次年五月生  
一男卯孫果有白衣重包○徽州  
上北市居程氏妙齡咸淳甲戌正  
月十三日夜得病沉重焚香告施  
經一千卷乞保安康至夜感夢見  
二僧護持自從平復○江西臨江路  
新喻州陳文傑因見同州丁氏施經  
求嗣有應文傑就徽州婺源縣請此  
經看誦印施一千卷靈驗不可盡述  
處州府在城居住信士吳仲明同妻



王氏因無子嗣於丁未年四月間許  
白衣觀音陀羅尼經一藏刊板印施  
一千卷於戊申年五月果生一子委  
有白衣重包取名觀音保○慶州  
府在城居住信士劉德同妻葉氏  
因無子嗣於甲辰年正月內許白衣大  
悲五印心陀羅尼經一藏不數年間  
繼生三子果有白衣重包之驗今用  
貲財刊板印施滁州人氏寓慶州府  
在城居住信士胡關同妻趙氏為無

子嗣於壬子年十月內發心印施白衣  
大悲五印心陀羅尼經一千卷三年  
間果生二子皆有白衣重包之異今  
用淨財刊施敬答前恩更冀子孫綿  
遠祿位高遷○鳳陽府定遠縣人氏

見寓慶州府在城居住信士謝成同  
弟友才為無子嗣於洪武八年請到  
白衣五印心陀羅尼經一卷在家供  
養後弟友才遂生一男名觀音保  
後觀音保感患之際啓許是經一千



卷其患痊安同發心印施此經一藏  
專祈觀音保福壽延長次祈謝成  
等身安壽永○京都錦衣衛校尉詹  
覺敏公差慶州遇見此經敬請回家於  
戊戌年妻肖氏許施此經一千卷願求  
子嗣團圓所願從心也○應天府江寧縣  
居住信士諸道堅請此經到家有姪諸  
常姪婦丁氏為無子嗣於辛丑年七月  
佛聖家堂位前許看此經一藏果生  
一子用貲刊此經板印施一千敬答前

恩次及子孫綿遠者○江西南昌府人  
氏任湖廣漢陽府河泊所職信官熊  
尹政於宣德二年四月遂請此經虔心  
供養印施一千次年四月室人李氏是  
生一子白衣重包名觀音保難盡讚揚

刊板印施○洪都南昌縣人氏寓金臺  
象爵信官彭紮室人吳氏因無子嗣終  
日切切偶日遇僧洪寬乃曰有白衣真  
經求之感効印之一千象佑一子名吳  
表今將此經重刊印施以成一千普



散十方專酬

聖澤不可思議者矣

直隸安慶府太湖縣人氏今寓

北京順天府大興縣順承關添保宮  
社居住奉

佛信官樊覺圓室人李氏妙滿為

無子嗣於宣德十年九月初一日

請到白衣五印心陀羅尼經一卷

在家供養持念過一歲今欲刊

板印施一千卷得蒙

聖力於正統元年六月內室中  
果生一子委有白衣重包改名如  
來保感恩難報印造此經散施流  
通仰答  
佛聖之恩功德讚揚難盡者矣

京都順天府宛平縣施仁門居住  
見任府軍前衛千戶職事信官  
趙興宦人孫氏為因子嗣難存發  
心各念

白衣大悲觀音五印心陀羅尼經共



二藏各五千四十八卷後生一男果  
有白衣重包名如意今捨淨贖刊  
此經板印施流通仰答

聖恩更冀保佑男如意壽年綿遠  
正統十二年四月八日信官趙興印施



